

Mbunda - Nakukangwisa Visoneka - Healing Scriptures

Kutuuka 15:26 wendekele ngwendi, “Nga munjononoka nakulinga mwamuvwa ku mesho ange, nakunyunga mashiko na vizilika vyange, co kunjikamihisa na mishongo ngwe ije njahisile nayo vaka-Ingit, omwo yange njapwa Kalunga, uje muka-kumikangwisa.”

Kwituluka mu Mashiko 7:15 Shukulu Kalunga akaminyunga ku mishongo yoshe, co ikeye kakamisholwela mishongo yakukomokesa ije mwamwene mu Ingito, oloni akaisholwela lika vitozi veni.

Myaso 107:20 Wavakangwisile na lijwi lyendi lya nzili nakuvamena kukunyonga.

Myaso 146:8 co atonesa mesho a tupuputwa. Ikeye aana nzili kuli voshe vaje vanazeye nakuzema vaka-vushunga.

Isaya 35:5 Asinoni tupuputwa vakamona, na tusinda-matwi vakaziva.

Isaya 53:5 Oloni vamutwile vimbandu omwo vuvi vwetu, vamupupile omwo kuvulumuna kwetu. Yetu tunakanguka omwo ikeye wambatele cihiyo cetu, yetu vanatupwisa tuvamutunu, omwo ya vimbandu vije vamutwile.

Isaya 58:8 “Asinoni ceke cange cikamitwila ngwe litangwa omo lituuka ku mutondo, co mukakanguka vwasi. Simbu yoshe njikakala nenii nakumyamena, co vumpau vwange vukaminyunga ku mitambela yoshe.

Njlemiya 30:17 Mukapwa vakangule, njikakangwisa vimbandu vyeni, nameme vitozi veni vendeka ngwavo, ‘Siyone vanayumbila, naumo wai aishaka.’ Yange Kalunga, njinendekamo.”

Njlemiya 33:6 Oloni njikakangwisa nganda eyi na vanu vamwo nakuvana ciindu. Njikavamwesa kwoloka kwakushemutuka na vuvwa.

Malakiya 4:2 Oloni kuli yenyi munjononoka, nzili yakwamena kwange ikakala ali yenyi ngwe litangwa, co ikanena vukangwisi ngwe misha ya litangwa. Co mukapwa vaka-kupatuka nakuvwaelela ngwe vana va vingombe vatuuka mu licakana.

Mateo 4:23,24 Yesu wendanganene mu Ngalileya mwoeshe, nakulongesa mu masinangonge avo, nakwambulula Viñanda Vyavivwa vya Vumwene nakukangwisa vanu voshe vaka-mishongo yoshe na vaka-kuvinja vakuliseza-seza. 24 Lutsimo lwendi lwetele na ku lifuti lyoshe lya Silya, co vamunenelele vaje voshe vakele nakuvinja, vakele na mishongo yakuliseza-seza yoshe na mishongo yeka, na vaje vayandele manene na minzinzime yakujwala, na vaka-kushinya, na vaka-kayekele, co Yesu wavakangwisile voshe.

Mateo 8:16,17 Omo vetele ku cingwezi, vanu vanenele vanu vavangi vaka-minzinzime yakujwala kuli Yesu, co Yesu wavatundisile minzinzime yakujwala na lijwi, co wakangwisile voshe vaje vavinjile. 17 Ikeye walingile evi ngwe muje mwendekele Isaya muka-kwimanena ngwendi, “Ikeye vavenya watundisile kuvinja kwetu, co wambatele mishongo yetu.”

Mateo 9:35 Co Yesu waitanganene mwaya membo akama na mu tumembo twatundondo. Walongesele mu masinangonge avo, wambulwile Viñanda Vyavivwa vya Vumwene vwa Njambi, co nakukangwisa vaka-mishongo na vaka-kuvinja vakuliseza-seza.

Mateo 10:1 Co Yesu wasanene vandongisi vendi likumi na vavalí, vaije kuli ikeye, co wavanene moko yakutundisa minzinzime yakujwala, nakukangwisa mishongo yoshe nakuvinja kwashe. (Mako 3:14,15)

Mateo 10:8 Kangwiseni vaka-kuvinja, sanguleni vatsi, jeleseni vaka-mbumba, co nakutundisa minzinzime yakujwala. Yeni munavitambula vyangoco kujeneka kufweta, ngecivene, není lalo aneni ngoco kujeneka kutambulao cimo.

Mateo 11:5 tupuputwa vatona, vilema venda, vaka-mbumba vajela, tusindamatwi vaziva, vatsi vasanguka, tuutu vavambulwila Viñanda Vyavivwa.

Mateo 12:15 Omo Yesu wazivukile vya vutumbe vwakumutsiya, watundile kuje, co vanu vavangi vamukavele. Co wakangwisile vaka-kuvinja vavavangi,

Mateo 15:30 Co vimbunga vyakama vezile kuli ikeye, vamunenelele vilema, na tupuputwa, na vaka-kusekwa mendi na mavoko, na tuveveve, co na vanu veka vavangi vaka-mishongo, vaje vavatumbikile ku myanja ya Yesu, co ikeye wavakangwisile.

Mateo 17:20 Yesu wavalekele ngwendi, "Omwo kukulaela kweni kwakundondo. Mwa vushunga njimileka ngwange nga kukulaela kweni kunapu kwakama ngwe kanona ka mbuto ya musalata, mwasa kwendeka ku munkinda ngweni, 'Tunda kuno, ya kuje.' Co ukaya, co nga nacimo cai cimukonwa!

Mako 1:34 Co Yesu wakangwisile vavangi vaje vakele nakuvinja mishongo yakuliseza-seza, co watundisile lalo minzinzime yakujwala yaingi. Co katavele minzinzime yakujwala yendeke cuma cimo, omwo ikeyo yamuzivukile.

Mako 3:10 Ikeye wakangwisile vanu vavangi, co voshe vaka-kuvinja vakele nakulinakozola mukushwenya kuli ikeye ngeci vamukwate.

Mako 6:5,6,13 Co kasele kulinga cizivukiso cimo kuje, kuvanga lika wakambe-kele mavoko endi ali vanu vavandondo vaka-kuvinja, co wavakangwisile. 6 Co walikomokelele, omwo vanu kuvakulaelele. Asinoni Yesu waile ku membo akwatako, walongesele vanu. 13 Co vatundisile minzinzime yakujwala yaingi, co vavwavesele mazi vaka-kuvinja vavangi nakuvakangwisa.

Mako 6:55,56 Ngecivene, vashatukilile mu lifuti mwoshe, co kwshe kuje vamuzivile ngwavo kwali, vamunenelele vaka-kuvinja anga vanalala a manala avo. 56 Co kwshe kuje kwaile Yesu, mu membo, na mu vinganda, na mu mahya, vanu vamutwalelele vaka-kuvinja kuje ku mitambela yakulandesela nakumulambelelela ngeci atave vaje vakele nakuvinja vakwate nameme ku mukundwilo wa cikoveyo cendi. Co vaje voshe vakwateleko vakangukile.

Mako 8:23-25 Co Yesu wakwatele uje munalume wa kapuputwa a livoko, co wamutwalele anja ya limbo. Co wamujekwilile mate ku mesho endi, co Yesu

waakele mavoko endi ali ikeye, wamwihwile ngwendi, "Wasa kumona cuma cimo ndi?" 24 Co uje munalume wakengele mwilu wendekele ngwendi, "Eyo, njasa kumona vanu, oloni vakevo vanafu ngwe miti ilinakulizenga." 25 Asinoni Yesu welukilileo lalo kukambeka mavoko a mesho a uje munalume. A simbu eyi uje munalume wamwene mwamuwa njwa, mesho endi atonene ngwe laja, co wamwene vyuma vyoshe nakutungukwa.

Mako 9:29 Co Yesu wavakumbulwile ngwendi, "Kuvanga malombelo lika asa kutundisa munzinzime wakujwala wa cifwa eci, kukwesi cuma ceka lalo cai."

Mako 16:17,18 Co vaka-kukulaela vakavana nzili yakulinga vizivukiso, co vakatundisa minzinzime yakujwala mu lizina lyange, vakendeka vindaka vyaviha, 18 Vakakwata manyoka, co nambe nga vakanwa vyuma vyu vushungu, kuvikavavulumuna, vakakambeka mavoko avo ali vaka-kuvinja, co vakenduka."

Luka 4:18 "Munzinzime wa Shukulu Kalunga ali muli yange, omwo nanjangula kwambulula Viñanda Vyavivwa kuli tuutu. Nanjitumu kwambulula kupatuka kuli vinzinda, nakutonesa tupuputwa ngeci vamone, nakupatula vaje vavalinakuyandesa,

Luka 4:40 Ku cingwezi akulauka kwa litangwa, vaje voshe vakele nakuvinja mishongo yakuliseza-seza vavanenele kuli Yesu, voshe wavakambekele mavoko nakuvakangwisa.

Luka 5:15 Oloni muzimbu ou wa ali Yesu washandokelele kwshe-ikwoshe, co vimbunga vyu vanu vezile nakumutolilila, co wavakangwisile ku mishongo yavo.

Luka 5:17-25 Litangwa limo omo Yesu wakele nakulongesa, vaFaliseo vamo na valongisi va majwi a Lishiko vatumbamene kuje vatundile mu vinganda vyu ku Ngalileya na ku Yundeya na ku Yelusalema. Co nzili ya Shukulu Kalunga yakele ali Yesu mukuvakangwisa. 18 Co vanalume vamo vanenele munalume muka-kayekelle walalele a linala, vesekelle kumukovelesa mu njuvo ngeci vamulangeke kulutwe Iwa Yesu. 19 Omwo mbunga ya vanu, kuvawanene ngila yakumukovelesa mukati. Ngecivene, vamutwalele akamwa ya njuvo, vatuvile mbengwa mu mateya, co vamusoselele na linala lyendi asi mukati ka mbunga kulutwe Iwa Yesu. 20 Omo Yesu wamwene kukulaela kwavo, wendekele kuli uje munalume ngwendi, "Musamba wange, vivi vyove vanavisambesa." 21 Valongisi va majwi a Lishiko na vaFaliseo vashangumukile kwendeka akati kavo ngwavo, "Iya ou munalume alinakushaula Njambi? Njambi lika ikeye muka-kusambesa vuvi!" 22 Yesu wazivukile viyongola vyavo, co wendekele kuli vakevo ngwendi, "Vikajo mulinakuyongwela vyuma vyangacije? 23 Cacasi cika, kwendeka ngwange, 'Vivi vyove vanavisambesa,' indi kwendeka ngwange, 'Katuka wende'?" 24 Njimimwesa ngeci muzivuke ngweni Muna Munu ali na nzili ano asi yakusambesa vivi." Co wendekele kuli uje muka-kayekelle ngwendi, "Njikuleka ngwange, katuka, ambata linala lyove uye kwimbo lyove!" 25 Co

aje vene wakatukile akati kavo, wambatele linala lyendi, waile kwimbo, nakushangazala Njambi.

Luka 6:17-19 Omo Yesu washelumukile amo na miluwa vendi ku munkinda, co wemanene ku mutambela wakukunama na mbunga yakama ya vandongisi vendi. Co mbunga yakama ya vanu vatundile ku Yundeya na ku Yelusalema, na vaje vatundile ku vinganda vyakele ku cikuma ca ku Tile na ku Sindone, 18 vezile nakumutolilila nakuvakangwisa ku mishongo yavo. Voshe vaje vakele nakuyanda na minzinzime yakujwala vezile, co wavakangwisile. 19 Co mbunga yoshe vesekele kumukambeka mavoko, omwo nzili yafumine kuli ikeye nakuvakangwisa voshe.

Luka 7:21,22 A simbu ije vene Yesu wakangwisile vanu vavangi ku kuvinja kwavo, na ku mishongo yavo, na ku minzinzime yakujwala, co watonesele mesho a vanu vavangi. 22 Co wakumbulwile miluwa va Yowano ngwendi, "Yeni mukaleke Yowano vyuma evi vimunamono nevi vimunazivi, tupuputwa vatona, vilema venda, vaka-mbumba vajela, tusinda-matwi vaziva, vatsi vasanguka, co tuutu vavambulwila Viñda Vyavivwa.

Luka 8:2 co vanakazi vamo vaje vaakangwisile ku mishongo yavo na ku minzinzime yakujwala vaile amo nendi, Maliya (uje ivatumbwile Mangandalena) uje muli ikeye mwatundile minzinzime yakujwala itanu na ivali,

Luka 9:2 Co wavatumine kuya nakwambulula Vumwene vwa Njambi nakukangwisa vaka-kuvinja,

Luka 9:11 Omo mbunga vazivile evi, co vamukavele. Wavatambwile nakuvambulwila nya Vumwene vwa Njambi nakukangwisa vaje vakele nakuvinja.

Luka 13:12 Omo Yesu wamumwene, wamusnene nakwendeka kuli ikeye ngwendi, "Munakazi, unakanguka ku kuvinja kwove."

Luka 13:32 Yesu wavakumbulwile ngwendi, "Yeni mukamuleke owo mbanje ngweni, 'Njicili nakutundisa minzinzime yakujwala nakukangwisa vanu ku mishongo yavo ku litangwa lyalelo na imene, co a litangwa lyamucitatu asinoni njikamanesa vipangi vyange.'

Yowano 5:8,14 Co Yesu wendekele kuli ikeye ngwendi, "Katuka, ambata linala lyove, co enda." 14 Omo kwetile kasimbu, Yesu wamuwanene ali mu Njuvo ya Shukulu Kalunga, co wendekele kuli ikeye ngwendi, "Tolilila, ololo unakanguka, kesi ukalinge lalo vuvi kutewa cuma ceka cacivi manene cikakuwana."

Yowano 14:12 Mwa vushunga njimileka ngwange, woshe uje akulaela kuli yange akalinga vipangi vije vinjilinga, eyo, akalinga vipangi vyakama kutuvakana evi, omwo njilinakuya kuli Tate.

Vilinga nya Miluwa 3:6 Oloni Petulu wendekele kuli ikeye ngwendi, "Kunjesi na vimbongo, oloni eci njilinaco cikeco cinjikwana, mu lizina lya Yesu Kilistu wa ku Nazaleta njikushika ngwange katuka wende!"

Vilinga vya Miluwa 5:15,16 Ngecivene, a vije vivalingile miluwa, vaka-kuvinja vakele nakuvambata a malili naa manala nakuvatwala ku vitapalo ngeci munzinze wa Petulu wite akamwa ya vamo omo aita kuyehi. 16 Co vimbunga vya vanu vavangi vezile kutunda ku membo a kulyata na Yelusalema, vanenele vaka-kuvinja nambe vaje vakele na minzinzime yakujwala, co voshe vavakangwisile.

Vilinga vya Miluwa 10:38 Mwazivuka vya Yesu wa ku Nazalata na muje Njambi wamuvwavesele Munzinzime Wakujela na nzili. Wendanganene kwoshe-ikwoshe nakulinga vyavivwa nakukangwisa voshe vaje vakele mwisi ya nzili ya Liyavola, omwo Njambi wakele amo nendi.

Vilinga vya Miluwa 19:11,12 Co Njambi walingile vizivukiso vyeka na vyeka muli Paulu. 12Ngecivene, nameme tuvinanga twatundondo twa ku livoko lyendi na tuvuzalo tuje twapangesele Paulu vavyakele ali vaka-kuvinja, co vakangukile ku mishongo yavo, na minzinzime yakujwala yakele muli vakevo yavatundile.

Loma 8:26 Mu ngila eyi vene Munzinzime aija nakutukwasa mukuzeya kwetu.

Omwo kutuzivuka vati tunapande kulombela, oloni Munzinzime akalambelela kuli Njambi na majwi akukemanga aje kutwasa kutumbula.

1 Kolinte 12:9 Munzinzime umolika vene aana kukulaela kuli munu umo, co lalo kuli munu weka amwana nzili yakukangwisa.

1 Kolinte 12:28 Mu cikungulukilo, Njambi naaka vyoshe mu mwela umo, mu mwela wakulivanga miluwa, mu mwela wamucivali vaka-kwimanena, co mu mwela wamucitatu valongisi, asinoni vaje vaka-kulinga vizivukiso, kwatako vaje vavanaana nzili yakukangwisa nambe kukwasa vakwavo nambe kuvatwamenena nambe kwendeka vindaka vyaviha.

Filipu 2:27 Mwa vushunga vene wakele nakuvinja nakushaka kutsa vene. Oloni Njambi wamuzivilileko mema ku mbunge, kesi lika ikeye oloni nange lalo, nakunjitetela ku vusiwa vwakama manene.

Yakomba 5:14 Kwali umo akati keni alinakuvinja ndi? Napande kusana vakulunu va cikungulukilo, co vamulombelele nakumuvwavesa mazi mu lizina lya Mwene.

1 Petulu 2:24 Kilistu vavenya wambatele vuvi vwetu mu muvila wendi a cilindakano, ngeci tutse ku vuvi, co tukayoyele ku vushunga. A viveve vyendi akeo munawana kukanguka.

3 Yowano 1:2 Musamba wange injazema, njilinakukulombelela ngwange vyuma vyoshe vyende mwamuvwa nove, co ukale na ciindu cacivwa, ngwe njazivuka ngwange ulimwamuvwa mu munzinzime wove.